

樊

山

續

集

樊山續集卷二十一

恩施樊增祥雲附

紫薇集

起甲辰十一月
訖乙巳四月

十一月初八日奉電鈔真除陝藩恭紀

除書旦下紫微天三輔遺黎宿有緣久已法冠辭柱後

去夏
劍泉

篆早聞

天語許蕃宣槐廳真授仍三輔花縣分拋僅七年

國計艱難遷不次敢希清福臥林泉

小謫風塵出禁林手栽桃李久成陰香常在晚臣年老貴不

嫌遲

聖意深熟路輕車河繞華新收舊管粟兼金

糧道裁
缺橋臺

歸併

藩署中台每事資謀斷笙磬難爲離別音

時吉帥移
節西江

寒夜

凍鵲喧庭樹寒壘咽麗譙繡衾滿牀鳳

吾鄉謂大被
曰滿牀被

暖帽淺

簷貂釭豔花雙蕊。爐青火一苗。詩脾受塵事。還待井茶燒。

寄菊人

新亭老淚灑臨分。向見夷吾信不羣。妙墨自書東海若英雄。
吾愛左將軍。於今隨陸眞能武。並世陳劉盡有文。料得輕裘
歸武帳。停杯長憶華山雲。

遼東

新聞紙上說遼東。礮火經年角兩雄。浴血河山掃松杏。入關
藥物斷葭島。中雲氣全軍墨。謂旅順口局外旌竿十字紅。萬古
瀋陽根本地。可堪原廟夕陽中。

冬窗和雲生韻

北來甚勁觸簾風。展卷依然秋水瞳。位置梅礬人意愜。平章
茗酪所言公。歲寒不改憐松翠。鄉信咸遲盼橘紅。打點甌罍

烹雪水老懷消遣寂寥中

冬夜用前韻

銀燭交輝燄不風琉璃罩眼抵重瞳游揚脩竹爲君子盪舉
梅花作相公香篆每縈詩鬢綠墨批常掩印文紅夜長抽得
官身去徒倚雲階月中

冬曉再用前韻

院竹敲殘昨夜風紙窗微白豁雙瞳星猶挂樹忙衙吏雪未
成花禱社公婢詫水仙雙箭綠雀銜天竺幾珠紅秋霖已足
冬暄美人在黃縣覆被中

雪後早起喜晴

水樣衾裯臥似弓起來喜見日高春橫琴左右皆修竹開戶
東南對雪峰藏窖諸花同一豔消寒昨酒到今濃迎春自是

垂楊事妝點年年灞岸容

後得鹿吟 併序

庚子歲除日午橋尙書贈鹿一頭余作得鹿吟報謝

甲辰臘月二十五日吉甫尙書又贈鹿一頭黃羊副

之除夜守歲不眠作後得鹿吟以誌嘉貺

音聲樹上雙鵲鳴歲晏乃遇鹿食苹公方得福我得祿

賜上

福字角仙疑疑來不速尙書遺愛在三輔安北重開都護府西

京官屬競攀轅鹿亦如人戀其主移官惟許鶴隨身贈我真

如魚得所前爲白鹿後黃羊兩兩繫足承以筐射生不遇朔

方士畫象雅稱東丹王惟兩尙書皆我厚錫之百祿相先後

繫樹無非召伯棠銜花不出文王囿恩澤常隨銀翠來賓興

難忘琴笙奏

壬寅科公監臨鄉試祥爲提調

公如雲中東接遼兩雄逐鹿皆

天驕關東茸客斷消息黑河哨卒仍驛騷此鹿消搖在林藪
那識遼陽戰爭苦仙人乍可施鞍韉新婦何曾乞胸脯特開
兩柴拜公賜霜松偃蓋風篁舞成就雲門一句文勿忘臘月

二十五

傳錄錄問如何是雲門一句
文假禪師曰臘月二十五

乙巳元日立春書懷一首

入關兩見歲朝春

丙戌歲
亦然

二十年來一舊人貪戀西京乾淨

土崎嶇行在受恩身省中芳樹鳴仙樂雪後梅花畫喜神薄
暮土牛送寒罷鵝黃重放柳條新

旅順堅守經年甲辰十一月三十七日俄將司都塞爾

降於日本

白骨如山析作薪圍城無意學張巡前爲卽墨田單喜後見
襄陽呂煥曠卽日東京傳赦詔由來西例恕降人君歸若過

田橫島好偃旌旗避海神

赫赫強俄古大邦哥舒今見帶刀降

日本嘉俄將之
勇特許佩刀

後軍自

燬雞冠壘前失空悲鴨綠江松嶺近封枯骨萬柏靈遙贈寶
星雙觸蠻勝負關何事冷眼觀棋坐雪窗

新歲遣興用前韻

環球重見一年春黃白紅棕五色人食蔗漸知臨老味採蘋
難得自由身講求玄素師毛女品第陵蕪餽鼻神每每原田
春事動可能無意爲謀新

示客

盆花得氣翠條繁庭樹無驚鳥夢安春至而田饒喜色夜來
肩井愼風寒餉賓不過三行酒益壽常矜獨睡九老去涪翁
仍綺語秀師宜作寓言看

初六夜對月示雲生

池面冰紋解柳梢春意生
新年新月色淡酒淡交情
花送過牆影詩含賀歲聲
熾阿解留客暫莫返華清

賦得螃蟹水仙

草泥擺脫覺香清
風味尊前伴橘橙
一水中央憐宛在
百花頭上讓橫行
黃中雅稱王言大
玉立能教瘡鬼驚
寄語時流漫輕薄
鮫妃螺女本傾城

冰泉鬢斗是家鄉
佐我椒花獻歲觴
玉帔欲來先賜紫
檀心將吐更含黃
閒身信可江湖老
豔質誰非金玉相
昨向文君夢中見
幻爲翠羽與明珠

兩螯八腕玉交枝
嬌煞春燈煮夢時
霜後冰盆隨處薦
風前羅帶倩誰持
玉杯酌我無空手
秀色撩人欲朵頤
寂寞百年

稀賦詠祇應創見趙家詩

嘗見趙搗叔畫榜嶗水仙自題一詩此外無題詠者

梅兄三七解傾筐紺殼承花得十囊
洛女中腸無可斷畢郎右手有餘香
美人微步凌秋水公子同歸換道裝
歲兆圖中添貌汝上春佳日似重陽

辛盤破例許題糕笑酌花神舖以糟
爾雅熟來香在口吳宮舞困玉爲膏
靈妃寄簡遺雙鯉內苑燒燈照六菴
此多嫺娟玉堂貢春寒應賜赤霜袍

薄俗雌黃皎不污從秋黍養茂云除
雙雙玉翦休輕擘一一花名總不如
越豔忍將文甲召楚腰休與稻粳疏
小時乞汝蟲娘字珍重冰綃薤葉書

檀几清朝淪井華琴邊約略聽爬沙
香名未可訛蟲草玉面因何避菊花
解佩人歸邈水許煎茶女好屬漁家
兩三星火

幽窗畔莫與冰魚一例又

動植參差物不齊賣花翁有嬌揉時根鬚倒茁疑龍竹跼萼

雙肥勝肉芝清似琴魚攬茗葉

柳葉魚卽琴魚可以入茶

鱗如瑤柱配離

支憐卿俱是江南客我作監州未可知

再詠嘯水仙

女兒浦口佩珊瑚髻髻都亭見玉顏幸自接連芳菊後豈宜
屈置蓼花間物情喜躁香偏靜花性通靈質豈頑昨夜東皇
下褒詔黃中一語是雙關

鮫宮肥婢亦仙乎趁逐西施泛五湖薤本圓如螺帶甲花胎
清似蚌含珠春風倍長金膏價歲兆應傳玉殿臚莫是騎鯨
人醉倒蓮燈雙照小胥扶

娟娟靜女伴幽窗依約前身近釣矸倚石數叢勤換水

吾鄉蒙

者一盆一螺水日出門一笑欲橫江持來甯止金杯一擁處

都成玉劍雙汝作花身花有語載花汝卽木蘭變

莫漫汀洲採白蘋蓮杯麝火暖圍春流蘇帳裏佳公子瑋瑁

齋期善女人借汝秋波一作明眸貽水母笑他團體結花神由來

色味江南勝不分衡行直到秦

三詠螃蟹水仙

金不嫌寒玉不瑕畫中添足寫秋蛇真妃舊跨紅鱗鯉公主

新妝白角鰓子固善畫水仙題詩真健者蘇門郎螃蟹落墨亦仙家

福閩誰建監州節水仙以福州爲盛除是寒梅第一花

吞花臥酒笑錢昆二美能兼亦宿因環佩九天來使者蟹爲江湖

者使科名一甲許仙人宓妃誤入橫行夢吏部能成著手春雕

刻物情師造化鳳城花事太翻新

巧傍春盤欲就糖亦如秋圃助行觴娛人好在茶生眼酌汝

曾無酒入腸琴几落花休敗漆螺能敗漆屏風得蒜更思薑水仙名雅

蒜薑蒜挂屏風事見南史園翁夜織湘筠斷拂曉名花贈一筐

誰爲王者起生祠秋菊寒泉薦亦宜祇許爲霜青女配休令

嚼雪道人知葉無橫側都如劍斲有尖圓總換詩一曲陽春

誰和得杯螯來共使君持此題同社皆關筆故戲之

四詠螃蟹水仙

橫江卿亦是花王吳帶曹衣改勁裝玉琢楚鉗贈交甫繡成

越甲被夷光淡妝雅愛燈相照瑤草眞如稻有芒曾記玉人

秋浦住夢魂夜夜落漁莊

水中見汝得香材趁逐江南橘柚來瓊蛸腹中憐玉孕瘦鮫

背上指花開夜涼彈醒龍香撥歲晚交深蝶瓣梅風骨橫秋

今不用褰裾直上是瑤臺

莫隨鰕菜上閒亭石畔幽花幾翦青好處天然在風味夢中
人立亦娉婷置之几案誰逢怒盛以琉璃不忌腥乞與石華
裁廣袖隨風珠沫墮星星

承筐有女侍幃帷石銚新湯試一炊齊宋名姝魴共鯉攀梅
香友虻憐夔乍回西子秋波眼真畫南朝混沌眉比似賞花
釣魚宴東皇親與賜金龜

五詠螃蟹水仙

鰕鬚誰織卻寒簾難得香和色味兼酒後頗聞思橘醋花時
惜未下梅鹽生機動極翻成靜秀靨團多亦有尖竹火籠邊
尋舊玉化爲琴爪一雙筓

俊物安能冷眼看冰天欲得熱腸難未須就火知春暖不敢

吞花畏性寒逸態肯令趙王見落英羞佐楚人餐欲求異貌
同心侶更有繆梅及魀蘭

元宵火樹照花開金盞濃氲供玉臺獅子裙邊春女就鳳皇
燈下玉妃來不勝甲冑非英媛能吐珠璣卽使才清異錄中
求比附葡萄珠帳草龍迴

出泥不染冠羣芳湯沐猶應賜內黃贈子以言須吏部相君
之背亦眞王清同屈子糟難噉美遇相如嫁不妨解得春醪
消得恨鱗魚無骨海棠香

六詠螭水仙

分明郭索近琴牀樂府重翻八寶粧試翦分來江上水輸芒
竊得海南香頗煩花鳥雕青手別有蟬蛇蛻殼方遊戲人間
踏煙浪請看鸞背玉卮娘

步山齋集卷二十一
七
錯認蘆花雪一枝深憐秋鞠不同時敷來蠹粉香尤穢擊出
驪珠爪不遺物象靈奇參化境匠心穿鑿出仙姿一叢豔玉
春天雪蟬嚙昏昏那得知

家住吳江復楚江浪頭石脚漫春撞一帆借鬣游香海羣卉
如魚是小邦黃玉琢成杯瑱幾青羅裁以剪刀雙紅闥誤認
蜘蛛落報喜爭開玉女窗

生香活色兩相兼花媼求沽價不廉學士餐芳無礙舌嬌兒
弄水不憂鉗湖洞合配黃金蠶仙道終成白玉蟾絡繹名香
供服御亦如四腿兩裙添

七詠螃蟹水仙

歲筵桂醕伴椒漿蘼雪何虞食指僵絕似花釵插螺髻幾會
葉劍出魚腸菰蘆生長原吳產蘭橘從和亦楚香戒我蝥蚌

勿多食斲金爲瓊玉爲梁

移根換葉兩依依寵詔春宮拜紫泥祇覺香腴勝麝莫將
雪領誤蟾蜍仙郎左掌仍擎酒處子東鄰好乞醯玉女盆中
相對峙也隨金鴨學雙棲

瑤臺月下見清容恍在蘆根淺水逢娘子有軍能敵虎美人
新嫁擬乘龍檀心密吐珠無數花箭平穿甲幾重可但九秋
說豪健修成黃白愿春冬

蝸廬深閉賞孤芳著汝蟾蜍硯注旁微步信知春有脚懷人
誰謂女無篋香添老眼三分霧玉鍊嬌容九月霜一種游龍
好風態洛妃終是近昭陽

正月三十日涂大令自隴州檻致二鹿適中兒函報老
夫得第二孫因名之曰得鹿用除夕韻志喜

朱籠正方雙鹿鳴紫薇始發如芩萃此卽辟邪與天祿吳山
置郵來何速前鹿指吉帥所贈爲主汝爲輔併入有唐中書府小

大列侍如兒孫新舊同居孰客主輯川竹里爲之鄰漢苑宜

春固其所小兒騎汝如騎羊大兒書至發瑤筐雛鳳有聲清

過我芳蘭生蓀香爲王豐水有芑詒者厚王謝家兒明德後

相期駟馬大吾門況復錦毛集文囿涂君兼致錦雞二頭紫閣祥雲霸

上來金梁雅樂房中奏秦豫相去一何遠得孫得鹿妻兒驕

以鹿名孫喻頭角更尋香草箋離騷兩孫張名皆从草麒麟在郊鳳

在藪誰識人間馬牛苦忽由彼鹿致此鹿舉室歡然陳酒脯

平生狨麕累溫芳今夕孔鸞效歌舞幾時婚嫁畢尙平鹿趨

徧歷名山五

寄仲山大令司權鳳翔

岐陽監稅養秋翰新自瓜門帶雪遯草怕鵲鴿原上綠君有伯氏
之鬢從雀鼠訟時斑碧湖新柳參差長銀海狂花積漸刪病
已愈倘憶江南邱壑美隴汧之際有吳山

夜坐聞雨

夜傍紅鑪暖漸回自拈金筋撥霜灰從他簷雨三更急遲我
園花十日開下杜荀魚充酒佐北江杏燕足詩材洪稗存自言於花變
杏於鳥
愛燕子春寒雖醜能多少後面紅雲冉冉來

前押九字韻凡一再疊迄未成篇久亦忘之今日花朝

遇雪因用前韻

特許花神跨素鸞百花生日水雲安玉從燕子來時戲春在
棠妃睡後寒舉盞白波生酒令裏巾黃氣入泥丸飛瓊似待
瑤池伴留向鴛鴦瓦上看

雪霽而春陰特甚再疊前韻

韓家池沼鏡窺鸞猶倩金爐膝上安花到春分剛種一作撒

酒過社日向消寒幾曾撲蝶忙釵釧未便聞鶯轉藥丸見說韶華如蔗尾媽紅留待晚晴看

感興三疊前韻

握符左轄自言繁庀事當如寘器安櫻蔗調和消內熱荃茅分別獎孤寒祠官夜夜蠲牲玉獄牘時時辨挺丸時春祭方殷秋謝又至縱使蘇黃刀筆在後生輕薄幾人看

四疊韻示吏

野有嘉禾樹有鸞極知三輔慶馨安使君如月家家望屬吏行冰箇箇寒得士豈宜譏畫餅聽言先要止流丸眼光措大從來短洗濕瞳人遠處看

春興五六疊韻

滄瀾雙虹來往繁蓬萊宮闕鏡中安隋唐柳色無今古南北
梅花各暖寒嶽寺土儀羞筍脯京城風味賣牢丸低徊三七
年中事惟有南山不厭看

嶽蓮大道說雄繁桑麥連城雁戶安雪後草心無限綠柳邊
風色不多寒爲研松粉尋茶碾欲釀梨花曬麴丸今歲花朝
聞好語急開東國捷書看

是日增將軍來
電言奉天無恙

七疊韻自述

諸葛言繁事亦繁戟門香寢未遑安衣裁鋤尺常嫌瘦屏掩
琉璃不畏寒銀管筆揮雙蟹爪金壺墨費幾螺丸年年判牘
張春草一任爾字父老看

雨中連得電音日本逐退俄軍奉天無恙感賦

花朝前後雨紛紛消息遼陽說退軍好月一旬纔一見捷音
三日已三聞倭刀夜洗沙場血陵樹春荒戰地雲誰挽銀河
天上落流膏潑火到秦分

園居述懷

小池蕙柳弄春妍接引南山到榻前夜雨籬根穿筍角千陰
花杪過茶煙不甘闔東方求外雅好樓居爲學仙孰讀城南
晚晴賦作家吾愛杜樊川

樊川晚晴賦遠出阿房宮之上而知之者少特爲指出

夜興

眼霧心冰興自佳遲遲更漏靜南窗燈前書牘憎紅紙雪後
詩脾愛綠茶夜露池臺初見月春寒桃李未成花稼軒一代
填詞手不信登樓脚力差

雲生和聞雨韻再賦

廿四番風過幾回關雲猶落豆稽灰漸看萱草凌春發負有
桃花帶雪開池水似能承釣竹井桐猶未中琴材紅塵一騎
無公事爲送華清錦句來

喜晴疊前韻

誰遣羲和叱馭回晶屏光奪自然灰煎熬雪水柔蕙暖披豁
雲山倦眼開二麥怒生豐餅料百花爲末助香材日邊紅杏
莊嚴甚肯向春風作鬧來

雲生又和差字韻卽事再疊

淡晴微雨覺春佳蕙草庭前散吏衙期會不愆惟海燕風情
略少是山茶手堪并澣非關藥眼罩琉璃轉不花食料南人
喜清雋瓊根終較水梭差

雲生詩云酒爲封泥懶不開佳語也惜出句遜仿其意

爲半律寄之

建茶再淪前根水越酒全封印面泥茶密酒疏王介甫眼前
眞景卽詩題

三疊開字韻寄雲生時方縣試

舊韻新篇往復回陰何各自劉鹽灰檄催藥稅心常惻余爲
煙畝報稅不過二三成此令時 驛寄詩函口任開古錦爲幅知不
因款細加征殊違本志 可畫縑作鞵故多材試廊日永茶香熟夏學歐梅唱和來

雲生答書謂出句遜對亦自知之初云茶因煎水思重

汲改云茶宜煎水遙難汲病在煎水二字張又新所
記乃煎茶之水若抽去茶字而云煎水雖百改不能
佳也再賦一篇却寄

暖意知從九九回不勞緹案測飛灰水鳴銅銚茶將熟泥護

紅罍酒未開仙吏以花爲近侍瘦人將鶴喻身材蓬萊雲氣

長楊賦珍重臨川改本來

宋詩却從雲裏望蓬萊荆公改爲雲氣又奏罷長楊賦荆公改爲奏

賦長楊罷

雨中悶坐再用雲生句作四律廣之

茶因裏箸遙相寄酒爲封泥懶不開 國忌曉廳無客至社

題夜驛送詩來端溪硯好須生眼景德瓷輕早脫胎老去春

衣謝綾錦雲藍筒布稱身裁

雍草休教鏤月損移花卽帶土砧栽詩因餒木爭相乞酒爲

封泥懶不開向後四時吟白芷提前三月作黃梅悶來書徧

新蕉葉筆法還從屋漏推

春陰十日罷登臺山杏微霞已上腮羣峭摩天猶見雪百昌

出地未聞雷琴因落漆知難補酒爲封泥懶不開老去謝公

不當作昨宵猶鬥管絃來

廳事清陰覆綠苔
吏人指點說唐槐
桃窺露井相連愛燕睇
雕梁百往回九域新聞歸報紙
一春閒事損詩才
劍因出匣勤相拭
酒爲封泥懶不開

寄懷午橋撫部長沙

上春飛渡洞庭槎
秦楚相望驛路賒
今古三湘足蘭茝
西南兩嶽各蓮花
更張同治湘軍制
提倡中華哲學家
千載賈生纔吐氣
如今王佐領長沙

邢翰臣茂才見余詩別擬出句云詩因鬥韻急難就亦佳語也再賦四律索翰臣和

百尺修廊拜月回
女兒衣鬢惹香灰
花因移盃勤相護
酒爲封泥懶不開
越客種桑傳錦譜
秦娥栽竹養簫材
春風染就

園林綠絡繹鳴鳩乳燕來

十二朱欄抱水回春波洗盡碧池灰曲因歇拍重教續酒爲
封泥懶不開插柳又添寒食事蓄蘭難盡楚騷材錫簫粥鼓
江南勝誰遣青門學步來

小吏堂前抱牘回銅槃蠟苴未成灰書因錯簡紛難校酒爲

封泥懶不開科學獨高羣玉府

時方整頓
高等學堂

礦山催辨五金材

商部催
造礦表

維新時代無窮事誰與閒吟冷醉來

鵲喜新晴繞樹回漏痕重螟螣牆灰棋因饒子佯教勝酒爲
封泥懶不開舊燕似含相識意新松已露不凡材笑拈銀杏
金桃字更教嬌兒屬對來

翰臣又得句云茶因調水遲難待乃眞工矣再賦半律

以志欣賞

茶因調水遲難待酒爲封泥懶不開得似玉腰金翼否樊南
賓客信多才

春望

下九登臺眺晚晴紙鳶風軟近清明花開繡陌初調馬柳簇
紅樓尙待鶯禁火遠徵傳燭事聞簫遙識賣錫聲憑高不道
層梯滑新試春衣覺體輕

與翰臣論詩用差字韻

詩到天然始是佳玉爲底蓋兩無瑕衣裁須取全身稱棋力
難教半子差水裏著鹽知有味樹頭翦絲不爲花性靈卽是
良知說要讀奇書過五車

雲生來詩引坡公煎水不煎茶之語爲證眼前語竟忘
之殊自笑也再賦半律寄之

用字無無來歷處論詩有有別裁時五年不讀東坡集蟹眼

錯邊忘本師

蘇衍古香齋蘇詩庚子
失去爾後遂未寓目

池上

躡屣東園印蘚痕莫因八詠損腰盤麪香衢叟皆捫腹木盛
殷人始祭肝榆柳數行新改火池塘半畝淺生瀾放生早受
檀林戒二曲休供九節鰻

秦中宴會以鰻爲
上品皆取諸盤屋

戲疊前韻遣興

春衣隔歲認梅痕香在荷囊鏡在盤偶脫冠巾麋解角屢遷
筆硯瀟移肝石牀花雨空無色茶鼎松風水有瀾食性老來
防骨鯁鮓魚多刺不如鰻

再疊肝字韻

銅荷點點漬香痕組織妍詞等繡鞞新選硯材琢龍尾舊裁

衣色黯羊肝笑顏重覩春山面老筆猶迴大海瀾海叟祇應
吟白燕何心東走學靈鰻

三疊前韻

竹上煙痕閒雨痕小庭暄熱解衣盤得閒未許書離手養氣
何勞藥瀉肝著色露桃勻淡粉有情風柳蕩微瀾春來口福
知多少酒有梨花麪有鰻

隨園食單
有鰻麪

四疊韻書事

行世文章任索瘢清時考課孰瓠聲

陝西兩年
無致別

成名漫說如

麟角知味誰曾食馬肝久已外兵連日露微聞邊信說漪瀾

端庶人在蒙古身自買
菜瀾公在新疆娶妾

秦人慰我鱸魚意田水聲中爲捕鰻

五疊池上韻

池波明淨玉無痕客至纔能覓帶盤戒殺仍除花上蝨養生

忌食菜中肝梨花院落飄香雪
湘竹簾櫳感翠瀾紫閣留人
不能去何時歸釣楚江鰻

東園晚眺

城南風色滿朱旂勝氣交橫百二州
芳樹遠籠香積寺好雲
惟傍夕佳樓屯田子弟爭驅犢
樂歲村莊有戲猴草軟沙平
韋曲路踏清夏欲騁驂駟

雲生用差字韻寄鳳翔太守同賦

君有東湖天下佳湖亭判牘勝南衙
平頭畫舫穿荷芰淺色
青袍染竹茶同治以後江南染人始爲竹青茶青盡色學種蘇隄萬株柳教栽
滁守四時花盡將俸米供蘭膳坡老猶慚福分差

疊前韻和道旁柳

眉眼盈盈風致佳兩行排作曲江
衙卷舒金縷春飛絮假借

綠陰人賣茶東去馬收三日汗

自省至潼關凡三程夾道皆種柳

上頭鶯現

一枝花入關便得青雲路始覺河南氣象差

前題用肝字韻

幾經樵斧尙留瘖萬樓千絲織綬鞶貢入靈和曾識面美如
叔寶豈無肝直隨驛使過金雁擬築書堂榜碧瀾天假漁郎
攀折便柔條乞與買銀鰓

咏道旁柳押肝字固難押茶字亦不易也再賦二首索

同人和於是肝韻八疊差韻五疊矣

原草初回野燒瘖春風組織綠絲盤此中惟有鶯鶯舌其下

定無人可肝

柳下詠肝人之肉時臨渭二華刀匪悉靖故云

無限飛花無限雪一重

新翠一重瀾清陰低罩雙渠水時有人探丙穴鰓

秋尙堪憐春愈佳渭城煙雨記排衙眉顰樓上人吹笛眼見

關門馬換茶垂手舞偕秦主鳳細腰生就楚宮花翠痕學得
張京兆萬紫千紅色總差

用前韻效疑雨集和雲生

淚溼香羅點鷓鴣癡鏤金爲褶繡爲盤豔情半溢燕支頰私語
全傾白玉肝

古詩白玉露肺肝

久坐書牀遺漢佩平鋪棋篋織湘瀾

爲郎心許觀音素肯食春江雪色饅

喜子飛時意色佳午窗對語靜蜂衙豔詩記得刪餘草香日
分來飲過茶終日忘飢休索米一生耽玩抵看花鴛鴦已在
神仙上猶覺鴛鴦愛力差

九疊肝字韻柬仲錫涑之師愚

吹索誰無垢與癢明廷鄭重錫鉤聲君心果肯推臣腹越膽
應能合楚肝清我吏途無捷徑從他學界湧狂瀾纖鱗跳擲

泥沙裏未信東瀛有大鰻

一春多雨戲爲俳體索懋翁涑之師愚和

一春強半是春陰誰作商巖宰相霖好馬鄣泥惜紅錦貪人
點滴詫黃金荀皆爭長平權起絮不羣飛壓力深衙鼓聲中
靴版集難爲十日閉門心

柳絮十疊肝韻六疊茶韻二首

惹鬢沾衣幾點瘵瘦腰早減隱俟繫輕如絨唾初離口點入
茶甌亦養肝甘省出柳花
茶色綠味清始信東皇春浩蕩錯疑南浦淚沈
瀾東坡楊花詞細看來不
是楊花點點是離人淚河豚食汝添肥美欲擘香脍更飼
鰻

如雪如煙意態佳幾株端正恰當衙不勝飄蕩憐遊子似捉

迷藏笑小茶

道山詩注
小女曰茶

系出白門新種樹

近人有白
門新柳記

身非黃

閣耐彈花禪人總道沾泥好只恐爲萍轉念差

再詠柳絮

雪香煙態兩相和碧樹紅簷緩緩過似蝶翩其來者數如龍
捉不住時多樂親筆硯縈書幌解覓溫柔上袖羅比似吳霜
還旖旎老夫雙髻奈卿何

御風騎氣信消搖蹤跡年年在灞橋杜宇聲中那忍去鴛鴦
頭上不相饒將離復合攬紅雨色落仍飛上絳霄一種不甘
拘束意柳娘無計縮長條

晴雲氣色惠風天散作池萍箇箇團經過樓臺少沾滯搓團
酥粉尙纏絲樹頭尋覓甯非拙花裏飛行卽是仙任是無情
難忍俊謝橋一語動伊川

前生合是有情人繾綣芳叢見性眞縈繞九重萬年樹飛

揚三十六宮春去來社燕原無定肥瘦河豚亦有因上到青
雲最高處春風乞與自由身

三詠柳絮

春色三分判斷新二分流水一分塵飄揚自比雲離岫芳潔
能爲雪寫眞不信春無歸宿處最憐花似遠遊人詩家於汝
多輕薄誰識煙霄自在身

遊絲裊裊駐晴空金粉樓臺晚照紅生小簸揚宿南斗揭來
方便借東風紛紜蝶粉蜂黃外遊歷衣香扇影中每歲白門
一番雪六朝如夢過匆匆

尺五天邊是杜韋小名花譜記飛飛一場收束爲鴛枕

楊花枕

再世輕盈化蝶衣素手繅成五色線錦材添入七襄機桐縣
荻絮皆天物無奈良工製作稀

時方閨工藝
賦此寄意

梨雲杏雨送年光，趁逐鞦韆上下忙。
南雪更煩嬌女詠，東風猶發少年狂。
天教行止隨流坎，道在虛空淨色香。
別後好音君聽取，萬人消受綠陰涼。

四詠柳絮仍疊前韻二首

細雨花房漬粉痕，回看翠縷已成羣。
過牆細細縈蜂股，入硯輕輕點馬肝。
燕啄有時出泥滓，魚吹無力起濤欄。
柳絲爲線花爲餌，擬傍清池釣白鯁。

百五韶光晚愈佳，陌頭粥鼓似催衙。
風香野店連呼酒，雲罨春溪正採茶。
粉白細沾飛燕領，毛輕添綴乳鳧花。
陳簡齋詩高柳光陰初罷絮乳鳧毛羽欲成花
廣州任長紅，棉價終較靈和身分差。

五詠柳絮

海樣青春那忍拋，鱗雲吹暖賣餚簫。
並非惜別爭隨馬，不解

消魂莽度橋日日漫從花徑掃星星長共酒旗飄輕纖易作
擲沙散終傍貞松訂久要

五日光陰詠采藍已聞啼宇未眠蠶漫天作障知何苦落地
無聲似不甘春水化身千百億輕雲過眼幾重三東欄銷盡
清明雪淡白深青取次探

庭院深深幾許深倚欄延佇畫樓陰春風擡舉居人上暮景
飛騰似我今珍重鵝毛千里意纏解蠶尾一生心彌天傳得
高僧法不與神州共陸沈

仙雲縹緲李騰空菲薄紅粧與絳茸花落惟君能再起萍飄
何處不相逢西來寶氣纏金虎仰視青天過白龍若使此生
侯萬里玉關以內盡提封

六詠柳絮

香絲解脫楚腰輕戲蝶游蜂滿碧城花墜不關天女散春歸
惟帶雪兒行避寒就暖新時令愛潔嫌污舊性情總被虛皇
收拾去連昌宮闕是瑤京

閒倚橋欄看落暉穿林渡港見羣飛不干卿事風吹水每送
人歸雪滿衣香霧豈惟三里暗晚霞新賜一身緋用近人柳

里紅詩意鳳城春色垂垂老先入紅房報玉妃

鵝毳鷗翎煙外飄天機翦碎白鮫綃徘徊乍向空空見捉搦
翻成旋旋消新綠園林霏似雨夕陽亭堠過如潮百花盡入

熙筌畫一種春魂欠白描

畫柳無
畫祭者

神光離合近妝臺定是朝雲非夜來撲面願爲秦女粉點衣
亦愛謝郎才好從玉鏡窺鸞舞不獨珠簾爲燕開敕賜飛天
仙子號未妨游戲到蓬萊

七詠柳絮

花似菖蒲不著枝，有誰曾見始開時。何來天上氤氳使，點醒人間輕薄兒。同調祇應憐鶴鬣，有情未免繫蛛絲。知君身分梅花亞，肯寫飄零入楚詞。

梅子青青雨未來，英蕤爭撲玉缸開。上天入地都無礙，滾雪飛花亦是才。送別意輕千里路，憑虛身入九層臺。玉兒終是多情思，一曲紅欄百往回。

展作氍毹築作毬，扶搖羊角忍淹留。因依瓊樹朝朝暖，迴避蘆花瑟瑟秋。直上青雲開道路，橫飛玉雨灑瀛洲。綠榆紅杏皆顏色，不解凌風也合羞。

道是非煙恰似煙，快晴靚在慶雲先。飛來麗躡花如雪，吹送玲瓏玉上天。來似蜻蜓輕點水，去如蝴蝶偶成仙。韶光到此

纔圓足滾滾香毳滿大千

諷柳絮

上下雲龍未許攀
溷悲茵喜雨無端輕
織自謂升高易流連
深知載福難偶入青樓
原似夢縱登黃閣不中彈
因風鶩自
汚泥起偏有癡兒仰面看

嘲柳絮

如雪蜉蝣未是才
了無根蒂墮塵埃
醜雞離甕分飛去野馬
成羣滉蕩來摹仿玉從天
上戲誇張花向日邊
閒籬根牆脚
尋常見一日山僮掃幾回

戒柳絮

乃祖城南老樹精神
仙種子宿知名魚吹何苦
相輕薄燕啄
終然累潔清
每到高危防墮落
本無道術敢飛行
亭亭不受

步山齋集卷二十一
三
淤泥染綠水紅蓮是化城

勉柳絮

長養芳叢雨露新看君飛舞曲江濱
花心感激綠知暖水面文章要洗塵
闔闔擴充風氣力瑤臺抖擻雪精神
春殘莫懈乘風志萬一江南趕上春

用東坡詞句

代柳絮答

答諷

茵廁由來判濁情肯同閣老耐彈抨
逐風上下今知悔似雪聰明夙有名
合與參寥爲法嗣甘從謝女署門生
風流自比泥中婢翻笑康成喜怒輕

答嘲

天上碧桃誰見來月中青桂又誰栽
略如藍玉浮煙起得似

葵心捧日開芝醴何知根本事風塵豈少謫
仙才莊生野馬言皆寓引喻荒唐亦可哈

答戒

煙雪迷離認本師禪家戒律小鸞持飛能及屋功何有寒不
中衣愧可知獨我淤泥防染著幾人臺閣懼高危慈雲一片
皈依處大士瓶中是故枝

答勉

萬里乘風事果真歸楊歸墨擬非倫出泥不改冰清志度世
常輕粉碎身心事貂狐同暖熱功名鷹隼出風塵鯤溟不盡
搏扶意飛入靈和報答春

續詠柳絮八首

浴蘭時節玩芳華軟夢依依到謝家天下有情如此樹人間

無處不飛花。幃眉約略施。輕粉窗眼玲瓏點。白紗待汝織成。
一匹素好。隨菱鏡贈秦嘉。

西來百萬紡紗機。織女橋邊莫亂飛。欲暖蒼生當作襖。若經
玉手定成衣。兒心曲水常干轉。母腹金城已十圍。穿得鴛針
纜得線。早教游子報春暉。

水光山色助氤氳。苦棟香中想合羣。陌上草薰常見汝。江南
花落每逢君。一層芳樹三層閣。多半江風少半雲。黃鳥枝頭
漫求友。桃花水面自成文。

桃婚杏嫁結香纓。一笑全迷下蔡城。佳雨挽留三日住。東風
提挈萬花行。渭城詩唱黃金纓。霸上雲開白玉京。曾記素
驂法駕西。玉侍女。蠶瑤英。

飄飄誰唱定風波。物態翻新警夢婆。世界競爭天擇少。虛空

圓轉地球多團樂不畏瓜分否游蕩如無實業何乞汝熱心
并熱力莫教夜織負皇娥

一番新雨歇楊林十萬狂花白日陰雪積但須觀表面雲開
誰解點中心不標特色文明滅欲究其原因理想深上下四方
與追逐爲雪韓子作龍吟

空際開花枝上胎胎時不見見時開玉河兩岸狂飛息香海
中間過渡來運動二儀殊有力周流六幕豈無才一千九百
年間事迴雪流風滿舞臺

游絲野馬去駉駉二氣輕空鼓盪深天到九層成極點地無
一定想方針家風何止三眠起兒手猶能七縱擒南北東西
結團體亦如四百兆人心

再續詠柳絮八百

塘水輕明照玉容。闌干曲折想芳蹤。欲聯夜合爲佳偶。

馬樓朝開

夜合取其形似

莫爲將離賦。懊儂桐子有。縣縈彩鳳。蘆花作雪。點芙蓉。何如澹蕩春風裏。傅粉含香近。九重。

春思飄飄滿鳳城。好山好水遞逢迎。山如罨畫陰晴半。水似柔情。日夜生鏡浦。迷離前照影。天風仿像步虛聲。飛瓊一世瑤池住。那識揚州薄倖名。

依約芳池近濯龍。早眠驚起禁城鐘。雨中不見風中見。月下難逢。日下逢。入戶半縈金了鳥。穿簾長戀繡夫容。曾聞素面朝天事。始信宮妝淡勝濃。

嬌煞春城白項烏。飄飄身世亦仙乎。梨花院落尋常有。芳草天涯何處無。黃栗留鳴知雨過。紅蜻蜓弱倩風扶。問誰能作吹雲畫。擬畫池塘紀夢圖。

飛揚意態擬花卿粉膩香清較有情前事思量隋主苑兒時
游戲漢家營蘇將梨雪論深淺范以櫻桃較重輕范文正公
櫻桃重飢蚊詩飽去
來柳絮輕萬縷千條定向東風吹汝盡西行

銀雲冉冉玉霏霏身帶香風入粉闌欲去且爲鶯喚住倦游
常得燕馱歸本非附翼攀鱗起何事依門傍戶飛天養晴雲
成一片拖泥帶水久知非

鵝茸輕暖不知秋羅綺生成一段柔香夢幾曾離雪海好雲
惟欲傍朱樓春三月過拖藍尾花十分圓是繡毬試問雲英
天上住仙家知有別離不

鸞翔鳳翥聚羣真來御鸞輪去絕塵自有奔騰天馬意誰爲
戰退玉龍人風雲未是池中物林豎終抽局外身若問謝公
成底事雪山銀海散陽春謝在杭論詩云若問老夫
成底事雪山銀海散陽春

樊山續集卷二十二

恩施樊增祥雲門

雙紅豆館詞廣

起壬寅十一月
訖乙巳四月

石湖仙

生日子復大令用白石壽石湖韻見祝依韻答之

玉人秋浦認霜雁來時
鈿笛吹處纔了鎖廳緣
送仙鳧翩然北去瓊瑤一握也
抵得雪兒歌舞容與讓石湖獨有千古

生朝且宜閉閣早梅邊
微吟杜句文室方牀
自散維摩花雨

舊日田郎鬢絲添縷
那堪題柱憑寄語
靴衫莫過西府

余生日例
不見

綺寮怨

冬夜

淡月幽窗如畫墨梅橫一枝四五點冷蕊疏花無人處自照
冰池霜柯驚飛凍鵲誰家笛故學秦女吹想弄珠玉指生寒
蟾輝裏綺袂歸去遲瘦沈自寬帶圍輕裘紫綺針神幾費
柔荑悶撥釵灰這情緒有誰知銀屏雪兒何在覓舊譜自填
詞相逢甚時明燈照棋局應有期

前調

冬暄極美坐南窗下試茶有作美成此調終宋世無
繼聲者愛其音節入古一再倚之

好是昭州顏色軟簾新退紅試玉硯冰纈微凝朱扉掩綺日
雲烘家常羊肝半臂黃縣襲煖甚金綫狹側帽紗索笑南檐
梅花下處處逢放翁小瓊試斟紫茸煎茶素手何時竹裏
相逢寄語渠儂一甌雪待春風

余有元人春風暖茗圖

文園十分消渴

掌上露不勝濃霜華暗融西臺一株柏青到冬

玉女迎春慢

封印日偶書

封了麟符巡簷處鈿朶小梅開否漸有春風入幔水蘸鵝黃
新柳女兒纖手暫莫弄一方紅籀印鑰阿花迎玉佩香繞戟
頻司之衣簾卷清晝一年墨牒光陰需頭押尾穀儂消受此夕紅
蓮幕裏不住銀箏催酒牡丹開又直暖過西京煙九好景娛
人只在海棠前後

綺寮怨

天寒晷短亂鴉羣集薄暮坐鰈舫中念此蕭寂羈旅
所悲回溯曩時糠火紬書蓬籠聽雪以視今日欣戚
之情何啻霄壤老氏之知止足張季鷹之貴適意循

涯省分不當復以榮進爲懷書此貽知我者

舊歷纔餘十日淒淒天雨霜帶暝色萬點寒鴉歸飛急故趁
斜陽風催譙門畫角樓臺悄漸隱燈燭光問五紋繡纔誰添
傾東海未抵宮漏長 記得雨縹雪艤當年洗馬橫江百感
茫茫老矣韋郎少年事莫思量閒時倚樓看鏡牒子面儘端
相中書萬羊何如理安寺僧粥香

戀繡衾

新歲鰈舫卽事有懷

海紅步障雙紫鴛千窗晴烘透水仙讀畫久煎茶熟悄房櫳
花氣似煙 年頭墨牘無多許問西樓誰門管弦且側帽梅
花下背東風偷學少年

黃金鞞膝蘇合裘暖簾垂香滿被篝去年見今年憶盡春山

人在小樓 妝成獨自薰香坐 紅氈熨銀葉酒舟繡斜領金

排釵繫雕龍雙玉佩不

一作繫雙龍
雕玉佩不

東風未綠百草芽 裊鵝黃新柳帶 鴉小兒女春妝麗 蘸胭脂
彈上杏花 去年人日書紅紙 記柔荑黏貼翠紗玉窗靜重
門鎖燕歸來 猶認謝家

明波織簾西子湖 袖羅香遊女弄珠 昨夢到孤山 側萬梅花
齊拜老逋 抱琴打點杭州去 問錢王十錦在無陌上走花
開候繡衣人 眞入畫圖

臨江仙

柳屯田兩賦此調一七十六字一九十三字與和凝
尹鶻輩迥別癸卯新歲三日午窗宴坐芳花媚畫嬌
鳥呀晴用柳調寫之

試酌鳳酒金幡轉又東風溫溫煮棗房
權看軟饊切玉更芳茗舒茸昭陽太極輦
路柳條依約翠煙中三九玉梅寒信
過貂裘紫領和融第一番花訊有木筆
新紅花前捉麈會客角巾蕭灑林宗

臨江仙

第二體

巷陌太平鼓千門爆竹併作春聲
少年事朱樓繫馬彈箏新正有金船酒
銀橋月氣象承平逢人日看定王紅萼
別有風情香清韋郎畫寢一晌茶熟詩
成好栽培芳樹待燕停鶯飛觥對昆池
水南山雪老眼常明江南路又杏花春
雨迎接先生

門百草

早春卽事

粉捏獅蠻菜，搏龍鶴年光媚。綠腳茶甘紫芽薑，嫩剛了先生
飯事饒。階行有藥蔓，三青筇枝九紫問。百子池頭蕃釐觀裏，
幾多紅翠。擬向金門問夜繡，陌朝天還待日邊青鳥至。薊
北江南弄梅攀杏取。宮簾丹臺進止。時上疏請覲長亭柳纒綠
便含銷魂意。笛聲起。這離情有如灞水。

臨江仙

立春前一日作

置酒立春前一日。彩毫常侍題詩臺。烏粉項報春遲。葡萄腰
褙錦木筆。瞻餅枝。打徧青門珠絡鼓。南檐新柳成絲。老來
風趣鏡神知。掠鬢花玳瑁籠眼。聖琉璃。

喜遷鶯

新歲贈小兒女

青鼠帽紫貂褕春煖
百花初并華滿注水精盃
窗日曬紅魚
中庭悄雛尼報池北
朱梅開早慵拈針線罷
溫書花底學
擣菹

尉遲杯

去年燈期兩填此調
今年燈事寥落燕九日酒罷
窗寂坐藥娥未來用晁无咎平韻體以寫岑况

落燈風又吹起曲水仙杏紅今朝燕九晴和歌管不到樓東
梨花一鍾酒記箇人小靨現芙蓉圍綺席畫燭金尊去年情
緒難同 想像帝里春融問長春舊徑可駭香驄採燕金幡
剛過了紙鸞毬杖又相逢今宵月雙照燕秦伴玉缸蕙炷寂
寥中底事姍遲藥娥怕上簾櫳

憶瑤姬

荑柳細桃門，豔冶平分一半春。風瑤臺月下，人記桂堂深處。
曾幾相逢，雙蓮冉冉，淩波獨立。芝田曉露中，又並肩私語移
時。角巾釵索挂瓏璵。畫梅燕子，梁空滿地，餘香可憐斑竹。
薰籠屏心，周昉畫貌海棠春，睡粉娟脂，慵啼痕點點，沾衣可
似相思。豆子紅待錦箋說與，相思定覺雙翠峯。

金盞倒垂蓮

中和節後燈事轉盛，天街過錦月地，攜歌百戲畢陳。
九枝並難倚此賞之。

紅杏開時，又金錢買夜火，樹爭霞萬點。明星七十二重花，奈
昨夜銅街酥雨，畫蟬微濕宮紗。月姊不意光門，爾許妍華。
今宵舞裙歌扇，有紅蕖百朶，趁逐蓮娃。翠水瑤姬騎鳳，落煙
沙。更領略街西，妍唱定場別奏琵琶。有意奪錦龍頭，知屬誰

家

時計借者
眾故云

帝臺春

二月初六日曉起過西園薄冷殢花嫩陰釀雨徘徊

池上漫賦此詞

清闌小幅溪山黯青綠絲雨弄晴二月東風今朝初六草色
苔光交旖旎又還我一庭芳縹借春陰直到花朝紅棠開足
泉響谷清似玉樹繞屋翠如幄且抖擻官身勾當春事日
日閉門休沐雪積一分二分水花亞十竿百竿竹便隨分攜
尊總人間清福

定風波

病酒傷離不奈春羅衾顛倒繡麒麟潛被獮兒驚夢覺佯笑
欠阿情態最忺人紅杏一枝斜映面春半相逢還待杏生

仁乍覺肌涼添半臂微墮是他念我翠眉顰

前調

映水遮樓柳弄絲建章門戶轉鶯遲第四五番風信到寒峭
小桃纔著淡臙脂 記得花間同試酒纖手綠箋親寫草堂
詞今日簪花人不見雙燕啄花還上去年枝

前調

閨思

水碧羅帷鎮墨犀春眠多麼覺來疑鬢子半偏釵半卸今夜
夢拋紅淚濕郎衣 他日牽衣燈下看悽黯啼痕狼藉酒痕
稀袍襖鈔書休用墨猩色全將妾淚寫君詩

前調

花朝前一日作

綽約瑤臺第一仙生朝早占百花先西母愛憐親賜酒長壽
千紅萬紫合推班 總把月娥呼作姊歡喜今年添得一回
圓今年閏五月小疊紅箋書喜字封寄梅兄礬弟可同看

定風波

今年春雨多佳小園花藥一時芳茂花朝坐晚晴軒
欣然賦之

記前年雪打花朝今年又濕燕羽婢翦香蘇奴芟翠蔓一院
梨花雨半陰岑半和煦恰到春光最佳處容與且供支鶴料
平章琴譜 綠箋奏天姥海棠巢乞借輕陰護趁方空未著
接籬倒戴閒過圍碁豎紫桃穉碧桐乳淨洗看花眼中霧留
住九十日春休教虛度

滿江紅

憶杭州

舊麗江山剛宜稱詞人管領平生事耽詩成癖愛山如命逋
老與花同枕席錢王有樹衣綾錦學髯仙判事小紅亭流泉
冷 人白恰垂楊映魚繡尾春波淨記前生曾打理安鐘磬
花帶綺羅蘭麝氣水搖金碧樓臺影徧人間畫扇繡屏風西
湖景

減字木蘭花

城南試馬作

踏青來早韋杜城南煙樹曉綠駿巴驥不費珊瑚七寶鞭
杏靨微沈滑滑春泥酥雨過軟綠毼飀芳草天涯何處無

前調

花前回首元夜笙歌元夜酒底處銷魂二月垂楊二月鶯

楊枝解舞走馬章臺常見汝鶯也能歌手把雙柑喚奈何

前調

春夜雨中二解

客魂銷否濕盡連昌宮畔柳畫褥溫溫幾翦燈花卻四更
瑤琴綠綺中有瀟湘無限意等是天涯何獨江南負杏花
此何聲也迤邐冰河過鐵馬鼓打花奴錯落瑛盤大小珠
香篝素被打點今宵安穩睡無奈芭蕉故學釵聲枕畔敲

前調

眉纖腰細可是媚樓香扇墜嬌倩人扶僂倖青衫惹唾珠
試寬羅結一段仙肌姑射雪背轉銀缸瞞過釵頭小鳳皇

步蟾宮

林花著雨胭脂濕繡帘外春寒猶力小樓吹笛杏花天恰剛

是仲春十一 淡妝濃抹嬌無匹算一到西湖也值越羅衫
子藕絲裙被煙水通身染碧

紅羅襖

夢是鶯啼破書是雁捎回看映水芙蓉艷如卓女喚茶鸚鵡
聲似楊妃 諷新句釵劃黛灰卜佳期笑指薔薇著意選詞
牌自製曲一闋阮郎歸

女冠子

天生福慧一種天然娥媚曉妝遲桂葉纖纖黛蓮花窄窄衣
宮詞能暗誦粉帛不輕離卽見桃花面莫相思

前調

薰香傅粉勻染十分齊整出屏帷蓮子杯行酒桃花紙寫詩
髮鬆臨水見柳嫩上樓知一握丁香核欲誰貽

金蕉葉

鬢鬆黛蹙怪靈蛛暗縈鏡幙鶯兒催喚夢醒花含昨夜燭
卯飲紅酥映玉解春醒鳳團未熟粧成身入畫裏紋窗柳影
綠

憶秦娥

閨怨用馮延巳調

羅袖濕坐到窗兒黑唧唧懶學木蘭當戶織
然脂磨瘦畫
眉墨粉紙開匳覓筆筆寫出相思聞嘆息

前調

春閨

花妒妾酒暈雙桃曆切切早與鴛鴦頻度牒
翠翠嬌煞遠
山色水樣羅裙摺葉葉上繡穿花千箇蝶

前調

題美人梳頭畫障

開鏡匣日射
臙脂頰滑滑
蘇合油瀝垂地髮
金釵斜溜耳
珠憂寶髻須花壓
恰恰替上一枝長十八

阮郎歸

前題

紅絲淺蘸翠嬰油
阜羅縫臂鞦解開青
綰倩人梳讀如綠雲

香滿樓 珍髻繞茜絨
收牡丹花似不一螺
美滿學蘇州與

郎圓到頭彘婦女梳長髻曰蘇州派今皆易長而圓

高陽臺

客進養生之說兼餉菱茸卻之

心比犀靈身同鶴瘦
髻絲青似茶煙
鑪鼎何功從來貴
壽由

天海東漫致長生藥話遼陽老淚潸然把方書祀犬葭人都
付唐捐平生不解調嬰姪縱河魚自煮也駐華年秋月春
風伴人淺醉閒眠秦皇漢武皆癡絕只鴛鴦不羨神仙奈花
前少箇楊枝調護香山

法華經若有眾生禮拜恭敬觀世音菩薩福不唐捐

金蕉葉

春夜有贈

雙鬢弄笛點羅衣杏花似雪涼蟾低照髻影蟾蟻玉樣白
粉落宮梅半額問朝雲有誰畫得除非周昉細寫屏風十二
疊

上林春慢

春陰罨樹餘寒殢花曉坐歛窗悵然賦此

宛轉流蘇羅帳四垂鵲語綠窗纔曉繡枕夢回紅簷雨歇輕

陰尚籠花杪海棠過了滿雕砌落紅誰掃念春人似玉蕊一
杖鏡菱偷照 炙薰爐麝煙暗裏簾珠箔又怯翠衫寒峭蕩
鬢貼蟬輕紈撲蝶南園久無人到杏慳桃小盼驕馬踏青來
早印鞋尖似猶是去年芳草

踏莎行

嫩柳金垂小桃紅亞惜惜簾閣春寒乍屏風幾首玉臺詩園
林一幅江南畫 鏡子拋來燈兒炙罷舊時月色淒涼夜滿
身花影貼羅衣杏煙濕髻鞦韆下

蝴蝶兒

效張泌

金縷衣綠楊枝曉寒梳洗下樓遲遠山雙黛低 解辦添香
鬢分杯遞口脂此情惟有兩人知怎生忘得伊

女冠子

用夢窗韻

燈前親芳澤羅襦一襲似隔阡陌軟繡簾薰燕子歸來花下
曾識嬌面側怕郎懷溜釵橫玉霏唾凝碧奈空持羅帶斜倚
畫屏無物與遮隔 琴心早屬梁園客算賈賦黃金過千百
露藥煙蕖清是君文穠是妾平作色頭未白門風流舊京衫扇
江左裙屐此鄉有無限溫柔未應輸合德

三臺

二月十六七日偕菽軒方伯陪中丞春蒐士馬雪從
槍械靈捷坐次望終南積雪皚皚如玉第一日春陰
更重雨絲間作旗仗微濡步伐益整用詞隱自度腔

紀之

正東風芳草盡綠戟轅曉鳴笳鼓導碧幢絡繹會華林大旗
捲靈龍雕虎行都建政事中書主左右丞雙參開府據橫榻
花簇金狻試關中健兒材武萬貔貅星彈競發藥煙更紫
絲雨想薊州新令肅南塘立三日浙兵無語銀鎗隊把滑青
泥路桂楯郎曾何足數冑芝蓋密點飄花舉青旂晚雲堆絮
對南山千尺積雪鐵衣竟忘寒沍看五千貂錦賽雲霞兼
暉映瑤臺琪樹盤馬借平地萬柳垂金縷怕暮寒梨花猶舞報
天子羆臥關門奏鐃歌一篇朱鷺

浪淘沙慢

清明近矣春寒尙冽西園花藥遇閏而遲因寒愈斂
誦義山天意憐幽草人間重晚晴句益知桃李遲開
彌覺春光耐久也倚此寄一二故人

寫天際烏雲畫景放慢春色雕檻梨花於月中庭蕙草沁雪
念繡被薰鑪通夜爇沈麝到曉猶熱問蘇合輕裘紫驢馬
誰曾過南陌情切褪花杏子羞結奈昨夜東風臙脂墜點
點羅袂血還揀取嫣紅和柳輕折錦書未滅慳燕兒傳與朝
雲消息百五韶華須邀勒儘拖逗晚霞一脈漫惆悵西園
花信溼後邊有冉冉紅雲望不極幽芳最得天憐惜

浣溪沙慢

對舒紫燕翼雙結青梅子海棠翠葉還比花時美絲雨弄晴
蕩得春如水羅帳朝慵起無奈曉鶯啼一聲聲紅窗近底
倩誰寄寄洛浦相思把珠璫暗結綃帊密緘自寫珍珠字蝴
蝶夢中逐趁人千里昨夜燈花喜爲問甚時歸又還將薔薇
笑指

霜天曉角

園叟送玉蘭以山茶儷之戲賦

芳樹誰家玉蘭初試花折得一枝雪艷宜伴取寶珠茶
華紅欠些玉顏生酒霞捉得藐姑仙臂憑點注守宮砂
瑤

卜算子慢

春夜月下寄杭州故人

銀塘浸月香竈禁煙淡茫白梨花影拂檻遮樓蜀柳一株端
正明潤念疏疏煥雨江南杏奈久對霜臺列柏戟烏總戀西
省北去金鞍整料廿六閒鷗聖湖相等未到孤山早寄六
橋梅信疏俊是金貂隊裡林和靖待細說西都舊事與越溪
人聽

河傳

效孫光憲

新月嬌絕照人吹笛露似珍珠滿衣蟾影杏花疏銅壺迢迢
清漏徂花侵格子穿雙眼銀河淺望斷西來雁翠樓陰單
鳳衾沈吟可知樓上心

前調

效閻選

春雨春雨如淚如線欲止還垂嫩鶯閒上女牆啼絲絲濕金
衣猛風吹仄西園竹池水綠小徑桐花撲天心可是玉人
心卿卿淚晴天也晴

前調

效少游

問春深淺看丁香未結辛夷剛綻曾記那人待月瑤華池畔

晚粧殘雲髻亂。春葱粉印疏窗眼。任網蛛絲忍把紋紗換。
開到桃花不見。桃花嬌面懊煞。儂天不管。

南歌子

裏鴨湔香水。捎鶯惹柳煙。羅衫團扇麗人天。門草欄杆時墮
小金鈿。未了燒香願。常拋問卜錢。連心花結小腰盤。雙繫
水晶如意玉連環。

木蘭花

暖風銷盡樓陰雪。昨夜香衾全體熱。並頭羞戴蕙雙花。連理
初生桃百葉。禁煙未屆清明節。拋壻光陰剛二月。自批湘
竹製風箏。杏子紅綾糊蚨蝶。

阮郎歸

過南校場桃花兩株爛熳矣有感於唐人事悵然賦

之

露桃紅白照煙沙兩株衡是花三分雪樣七分霞十分春色
除垂柳外那人家叩扉來乞茶眼波微溜鬢髮斜去年曾
見他

滿江紅

萬柳成絲憑繫著春光如箭剛過了清明禁火雨香雲暖返
老還童松下鶴娶妻生子梁間燕鷲一枝紅杏出牆來誰家
院鈴索動東風軟簾押放花陰轉問梁園賦手可曾游倦
圓相紅梨花上月好音玉女窗中電算小桃柯下卽相逢春
風面

金縷曲

途次遇閩端午憶甲申歲內子以閩午前一日來歸

今二十年矣賦此示之

一歲端陽幾又今朝紅榴續命翠萸添珥二十年來鴛鴦夢
贏得六珈象掃看霧夕芙蓉猶是命婦花中卿第一作門楣
女子當如此鶯與燕盡歡喜 謝家兒女嬌紈綺對芳筵沙
糖角黍依然風味此去西湖朝靈隱一瓣心香早寄把彩縷
羅襟牢繫更十三年纔耳順論風情尚可稱娘子裙帶上認
靈嬉

高陽臺

王嶺梅者署三原令陳嫂婢也令故兄買自歸化城
長而秀慧令有奴曰王喜僂捷美姿儀以梅許之俾
納銀幣爲聘喜蜀人假歸告母而後娶至蜀購一小
婢償主人還經漢南遇所識流妓載與俱小婢洩其

事令妻與嫂皆怒還聘逐喜梅私語所親媪曰人皆知吾字喜奈何他適媪以主婦方怒勿敢言梅仰藥死彌一日夜不殊或呼喜臨之遂瞑淇泉學使話其事屬登諸樂府以旌其烈余曰使喜爲蓮條戚施則嶺梅不死矣因譜是詞繼吳縣諸學使後俾采風者考鏡焉

都尉臺邊明妃塚畔斛珠換得娉婷繡段銀釵漁僮合堦樵青勸郎莫向臨邛去惹楊花在處多情甚琴堂化作銀河隔斷奴星 鬱金堂上伶仃燕縱瑯琊情死身未分明寄語夫人從今莫煮倉庚叮嚀雁姐休爲雁怕斷腸不止今生

用集異志

來雁 只年年東閣官梅自發幽馨

雙調望江南

過磁州作

磁州好河北似江南
釉白花青茶器美
筍香魚熟酒杯甜
蓮芡價尤廉
重繫馬夾路柳
毵毵灘鷓錦毛思
舊繡蜻蜒紅尾
趁疎簾留看一鈎蟾

前調

別磁州

磁州好一段碧雲天
陶器鬻來仙佛像
水租收得藕菱錢
吾欲買溪田
沈吟久有水恨無山
雲碓自舂非御米
居人云地不種
稻煙波雖美欠吳船
久住也堪憐

望江南

憶都門夏景寄竹延兄妹

都門好六月采紅蕖
倚扇玉河觀洗象
繫船銀閘看曾魚
繡

爐夾城隅

都門好房戶碧玲瓏院院雲棚忘烈日家家紗屨受清風穩
臥北窗中

都門好雙柳蔭書堂茶揀頭青針蕊細瓜浮三白玉犀涼短
至日偏長

都門好幽事屬誰家新酒半餅緘茉莉舊書每本夾荷花人
是北方佳

都門好三伏亦清和晝不逢蠅冰力厚夜無須蠟電功多近有
燈無汗濕衣羅

都門好末伏向炎蒸花壓菸胚薰百日燈燃瓜腹贈雙星七夕
點西瓜燈兒戲我猶能

都門好風味舉家清櫻顆潤含餐露色瓠犀脆試嚼冰聲浴

後葛衣輕

都門好蜜酪不論錢
朝淪建團冰後飲夜攜蕪
簞月中鼠爪果一時鮮

都門好院靜綠陰斜
頰雪嬾施雲母粉
爪紅還染鳳仙花
仙帳兩重紗

都門好食料極清佳
香透木樨黃玉粟
淡烹紫菜水晶蝦
鄰酒儘堪賒

都門好消暑百般宜
秘法天厨傳奶麩
新香菓廠賣
牙梨合傍鳳城栖

都門好竹下晚涼賒
詩咏烏雲含雨重
身如輕燕受風斜
人茗一時佳

都門好居處勝南中
籠上提攜鸚鵡綠
海南絡繹荔枝紅
辛

苦笑唐宮

都門好出郭卽西山水學玉琴雙
澗上煙搖清磬萬松間舊句蝕苔斑

都門好服食擬神仙清簟酥肌知竹
筒涼漿冰齒愛梅酸吾意戀長安

都門好重見繡衣來池上白蓮猶舊
物眼中紅豆是新栽爲汝一徘徊

買陂塘

老友陳藍洲別十四年近來病臂每作一箋必三數
閣筆會錢孝廉以西湖訪舊圖屬題則藍老戊戌年
作也余將赴任杭州先展此圖彌復神往爲題是解
卽以寄陳癸卯七月十一日書於京寓

挂春帆清波門外垂楊幾換金縷佳人更比湖山好三十年
前舊雨今健否道右手薑芽難下鱸魚箸重尋畫譜是戊戌
災年孤山隱者自寫六橋樹 趁秋潮我亦乘槎東去誰齋
神臂弓弩荷花桂子香如海蟹眼茶鎗再煮君記否記十錦
名城舊是錢家土香山俊語與玉局仙詞一齊分付湖上采
菱女

菩薩蠻

雨

秋階雨滴莓苔紫一聲聲入愁人耳別淚定何如梧桐葉上
珠 青泥黃葉阪且可巾車緩花瘦小紅檠安排聽到明

望江南

改玉壺用吳蘭次把酒祝東風種出雙紅豆詞意盡

美人障子戲題其上

心上事把酒祝東風
妾淚定隨春雨霽
君顏長駐晚霞紅
雙照鏡屏中

雙紅豆雙豆抵雙金色子
玲瓏嵌得否
相思入骨兩難禁
情比愛河深

雙紅豆粒粒是情根
塞北燕支多少淚
江南煙水幾何春
付與弄珠人

雙紅豆如霞復如星
艷極轉將冰雪擬
情深訴與女牛聽
珍重繡囊盛

雙紅豆如火復如珠
如火解溫金鴨否
如珠曾上玉盤無
切莫贈齊奴

雙紅豆此物最相思
在玉當為連理帶
在花應號合歡枝
生

是有情癡

雙紅豆朝暮伴妝臺櫻顚不嫌重複點燈花也學並頭開蝶
喜入簾來

雙紅豆私誓桂堂東世世連枝兼比翼人間天上可憐儂把
酒祝東風

封姨道難得兩心同乞汝坤靈仙扇子與人方便是東風此
酒不勝濃

紅豆子兩兩似珊瑚擣作椒泥棲合德修成丸藥療相如雙
引鳳皇雛

雙調望江南

戲寄葆生

風吹水皺損綠羅裙見說樓東梳洗懶眞珠須付寂寥人莫

遺翠眉顰 金條脫終始感郎恩休說水晶如意事一圭瓊
髓補無痕重認掌中身

前調

代葆生贈姬人

王家女重畫漢宮顰延壽當時原謬誤奇章再世與溫存宜
喜未宜瞋 休放誕私地戒文君一笑一啼雙玉女再搏再
和兩泥人花底一消魂

前調

代王姬答葆生

斑竹子點點是啼痕怕讀毛詩逢薄怒自持班扇掩長門倩
女早離魂 閨房事慚愧達丹宸眉嫵何傷京兆尹彈章冷
笑瘦腰人枉自畫朝雲

滿江紅

雨夜

簷雨垂垂夜未寢茶鼎暗潮譙門掩畫鼉寒咽宋杖三敲此
際鄰牆誰過酒紅珠一串滴春槽想那人燈畔卸頭時香半
銷 麝脂濕無限嬌鎖山黛斂萸苗怕繡衾無夢愁到明朝
湘水泣乾妃子竹紅心涼透美人蕉待蕙風吹暖鳳皇琴絃
再調

前調

代和

雞袂生寒試雀茗香冷畫鏡無慘處猛風吹竹顛曼燈枝不
信銀河全化淚了知髮髻未成絲傍玉荷閒看牡丹亭更漏
遲 箋香草溫楚詞數紅豆寄相思向奈何天裏各自禁持

新夢都隨等線斷故情那逐扇執移待曉珠明定水精盤君始知

前調

白荷花

玉水瑤池了不見娉紫姁紅波如鏡洛妃微步羅襪凌空懶
髓補完花缺處鷺絲難辨月明中又曉涼亭榭悄無人清露
濃珠盤淨妝粉融雅宜稱水精宮記藐姑冰雪曾幾相逢
西子那因朱得姓醜姨都道玉爲容羨素娘兼有美人名君
子風

洞仙歌

用坡公韻

曾持繡帕拭檀奴珠汗奉倩餘香袖羅滿記招涼玉砌雙撲

流螢嬌喘定茉莉釵旁髮亂 鑑鸞羞照影重抵鬢雲俗粉

膚脂薄花漢

北京花漢冲香粉不登大家妝閣

底物喻郎心比似春駒拚一

日繞花千轉算不樞才人最憐才把鈿合香囊盡將詩換

壽樓春

聞花間女史誦樊山集戲寄

如春鶯嬌啼又風蟬細咽何處哦詩莫是青城花蕊自書宮
詞非曹惠非文姬與女中相如同時甚鏤月裁雲樊山一集
傳誦到紅闈 樂莫樂心相知繡平原小像五色柔絲早識
扶風都講莫如蛾眉黃紉夢猶尋伊怪月中青鸞來遲想寫
韻樓前千條綠楊俱向西

沁園春

寄研蓀金陵

虎踞龍蟠如此江山抑何壯哉想招邀王葛過朱雀桁提攜
任沈上鳳皇臺鳶線催軍釣絲量水千載南朝事可哀今何
世更輪囷壺甌相逼而來 邦衡當世交推但玉塵絲囊未
是才况羅池蕉荔黃巾如蟻遼陽松杏白骨成灰飯顆交情
廣明時事遠寄江南驛使梅君應憶憶潼關月落華嶽雲開

前調

得夢華成都書却寄

西望錦江其上巋然現芙蓉城是當年諸葛種桑之地如今
馮敬衣繡而行秋思蕪菽老年薑桂不屑人間畫餅名探花
使二十年春夢夢斷蓬瀛 年時執手西京道庾信文章老
更成看和我十聯書題金雁讓卿獨步稿匣紅鸚朝士貞元
黨人蜀洛肯染髭鬚事後生將來事要夷吾摺拄莫泣新亭

前調

石甫罷官歸寄慰

昔陶淵明仕八十日賦歸去來甚君巡桂管下同彭澤去時
啖荔歸日迎梅春草隨身蠻花壓帽別酒龍州薦一杯江南
好看一辭銅柱再上蘇臺 狂名聒耳如雷有虎豹跋鈴鸚
鵡才幸黃祖筵前禱衡不死絳侯疏上賈誼空回馬謖新誅
殷源將廢一世之雄安在哉君無恙只柳州城裏鶴嘆猿哀

前調

寄壽平左江

昔在南臺謾罵董龍疏彈李貓爲燈籠錦事不寬彥博南山
集序幾累靈臯朱鳳落南紅狼屢北戰勝歸來血洗刀蠻姬
巧把南征俊句繡上弓弦 左江羣盜如毛看競事春農兵

氣銷道昔爲哥弟，殉牲歃血今依父母。騎象吹簫，韓固無雙。范惟一餘子，誰當一世豪。歸須早坐，老夫橫榻，細說藤猺。

前調

寄午帥蘇州

北斗尙書秉節東來，至於金閫。想髯參短簿，並隨幕府。竹兒蓮女，爭迓麾幢。茶磨雲嵐錦涇，煙水盡在金狨。座兩旁江南樂只，武昌官柳含睇斜陽。軍容紫電青霜，取吳會英才，貢玉堂有夷吾事業。伯符材武，朱公智略，白傅文章，五百名賢。滄浪圖繪，除却潛菴，孰抗行蘇臺上好南籌。交桂東瞰扶桑百字令

題和甫詞卷卽送之安康任

鐵君何意把玉郎，玉唾壺唇敲缺。側帽烏絲，奴僕耳秦柳。

堪梯接怒吼華鯨軟商嬌燕塵細俱能入小紅低唱玉龍無
限淒切 回憶三十年前櫻桃筵上同按霓裳拍雙請左魚
西向笑選鍊河聲嶽色紅杏詞名韭花書品秦女都能說渭
城秋柳送君愁損眉葉

綺寮怨

秋夜

昨夜秋陰如夢海棠今夜醒點卸砌碧露飄珠嬋娟子自韞
紅情殘蟾徘徊欲上銀河轉雁帶三四星漸一行叫過西樓
重簾下歎息眠未成 遠夢漁陽暗驚秋桑落盞鵝黃酒熟
蒲城且倒銀瓶欠纖指破新橙金荃集中佳語總寫上女兒
青寒蟹暗鳴惟應感秋客知此聲

前調

秋霽登平臺舒眺用前韻

十日南山如睡曉煙吹夢醒照素籬綺日籠沙連昌柳別是
風情琴臺高秋獨眺風吹帽未放雙鬢星料板橋昨夜微霜
疏林葉綠黯紅未成陌上黃塵不驚雕鞍繡轂依然鼓角
嚴城酒醞雙瓶捉霜蟹市香橙今年舊京重九對圃菊眼猶
青樓頭鷓鳴銷除宋詩裏風雨聲

前調

歌席

我已江南游倦不堪聽管絃又畫閣軟舞嬌歌蘭陵酒淺泛
金船白頭梨園子弟初相見記在天寶前自翠華迤邐西巡
霓裳曲往往傳世間紅燭影搖翠鈿歌樓聽雨消磨幾許
華年祇有何戡數朝士到貞元秦箏十三金雁莫再唱念家

山銷魂黯然憐他柳梢月花上煙

前調

十月二十日夜暖於春月明如晝徘徊庭際寫以曼聲

不信青門寒早菊瓶香未殘傍卸砌密綴圓花青霜裏越耐
人看藥娥徘徊欲上瓊樓遠祇恐天上寒甚夜烏已定還驚
亭西竹顛裏青玉竿 徙倚東廊畫欄中庭荇藻明明玉水
生瀾白雁橫天可捎得錦書還依稀春明舊夢夢不到早梅
邊嬋娟可憐花和雪中竹無此妍

孟郊以雪月花竹爲四嬋娟

前調

二十四日早起友松過兩榼舫齋談詩出龍井葉共
飲因及西湖之游用前韻索和

叩齒梳頭纔了玉鳧煙未殘又綺日薄映南窗垂簾處院竹

誰看暉暉玉

平山照座

金貂客一洗郊島寒聽說詩妙解人

頤蓮花舌似引魚上竿

尙憶湖亭倚欄銅餅活火圓甌細

蹙微瀾路遠於天更無意乞東還惟餘昌明一盞綠玉色透
中邊腸枯自憐誰知飲茶足詩更妍

滿江紅

友裕以此調見壽別以平韻報之

筋力風情笑白傅剛與僕同祇微欠玉容蠻素添畫屏風生
計百家分祿米驛程千里走詩筒問文章風節定誰如馮敬
通 師聲叟賓放翁鬢如漆氣如虹縱我生稍晚猶及光豐
時代如今逢過渡中流擊楫幾英雄約使君添酒煮青梅操
平請從

清平樂

桃開露井自寫臨波影怪得柳枝眠未穩昨夜東風淒紫
一重芳樹橫煙煙外一重遠山新起一重閣子一重雕漆闌
干

前調

丁香乍結未展芭蕉葉怪得春寒如酒冽酥雨羅靈帶雪
綠章乞借春陰海棠開後沈吟極樂寺廊一見相思直到如
今

前調

瑤階春早又發將離草十五年中相聚少託意紅鱗青鳥
夜長不奈情何玉釵剔損銀荷白日臥多起少倩誰與覆衾
羅

前調

玉情花性別有芳梅韻喜字香囊臨別贈中貯水精私印
瑤臺月下吹笙小名記得飛瓊記得仲冬十二含愁坐到天
明

前調

池塘煙鎖細柳金荳鞦春色惱人無一可燕子梅花相左
無聊自檢殘書軟裘猶殢溫燄一夜小樓春雨杏花消息何
如

前調

綠瓊銅斗自熨春衫皺曾記秋涼嬌欲嗽香染石華宮袖
東風依舊窗紗依舊鸚娘喚茶依舊玉纖刺繡玉容依舊梨
花

前調

上元閨戲學打春燈謎藕樣聰明工拆字約略四書能記
宜春帖綴雕籠簪花親試春葱門額六言娟好月圓人壽花
紅

前調

綺春如畫暫放針樓假一串歌珠鶯囀罷休更彈棋打馬
投瓊暗卜人歸雉盆翠繞珠圍一十二雙紅豆擲來六子皆
非

八聲甘州

羅兩峯用細筆畫張玉田有斜陽處最怕登樓詞意
輒題其後

翦生綉一段粉雲垂遠山斂秋眉隔紅欄幾曲愁人影子祇

夢山集卷二十二
三
在樓西休盡斷腸煙柳休寫斷腸詞無限斜陽好好處誰知
須信桑榆未晚試近來筋力笑上扶梯又一行新雁飛與
落霞齊算人間飛騰暮景是天憐幽草晚晴時還停待夜珠
明月莫遣來遲

蝶戀花

和師愚韻

天到如今也淚雨灑珍珠香徑無乾地釀得百花成酒氣
昏昏終日醒還醉春事因循甯得已纔炒茶青又近梅黃
矣軟夢似雲呼不起流鶯莫到朱門裏

前調

夜雨釀泥車轍斷終日瀟瀟長被林鳩喚鷺地今朝晴爛熳
天心了不由人算繡閣日長針線懶背立東風潛把私書

看收拾春愁盈一擔香肩挑起教誰換

金縷曲

戲傳新學倚聲和余闌干舊作再賦三闋示之

一樹梨花暝碧玲瓏閨春聚雪比排齊整屈曲亦如人心意
九轉柔腸暗省天付與玉人閒凭嘶騎不來飛絮亂袖羅單
久在花陰等纖屣響玉階靜香肩可似鸚鵡並記相逢瑤
壘月下北亭涼冷卿解吹笙儂拍曲難得雙鬢意肯防卮字
被月壓損花蕊當時納涼地到如今池水搖紅影心上事畫
中景

又

一段銷魂地畫廊陰獨兒穩臥蝶兒閒戲九折三條心暗數
剛似巫峯十二可猜得箇人心事密密嵌花斜鬥筍好安排

步上集卷二十一
郎馬臨窗繫欲去者鸚哥誓 春光早作關防信慣因依舊
薇粉壁海棠雕砌卿是珠簾文字友分占臘丁亞細肖幾度
裙裾偃倚歲歲東風顏色好總輕紅淺綠由人意新月照影
尤媚

又

最得人憐惜靠西廊停雲待月倩紅三尺祇隔雙鴛來往路
不隔芳花氣息任搭上楊絲無力照我一生橫玉影翠苔茵
宛轉斜陽碧凭夏晝坐春夕 玉纖拍徧相思跡月明時梧
桐露下鬢鬢微溼不惜襪羅冰欲透爲看雙星久立願夜夜
銀河初七萬字到頭花不斷算堅牢無過膠和漆應似我兩
情密

前調

前題疊前韻三首

猛拍還須惜按歌時弓鞋暗點總諧工尺雅與羅衫珠劍近
花落微聞歎息料清夢扶持無力風露漸涼拋汝去隔紋窗
似如羅帷碧還爲汝永今夕抽釵畫字都無跡倚輕軀朝
朝暮暮淚珠彈溼此亦天然南郭儿一任深憑淺立算一日
摩挲六七欲報玉人親切意不信余請視通身漆較枕簟孰
疏密

又

十笏青苔地抱銀牆猩紅一角小時游戲鬥草簸錢難瞞汝
鸚鵡能言一二渾不似如今情事海樣春光圍不住九回腸
彼此相牽繫香草長女嬃詈早爲西漆南油計更東頭花
馱補罅自將愁砌方勝連環新花樣心眼如人辯細算世上

惟君堪倚花落花開都見慣任暄涼不改扶持意生硬處轉
嚴媚

又

一响簷花暝界朱廊輕虹兩道雁行嚴整七寶樓臺誰嵌砌
雅稱紅薇畫省與玉檻瑤軒同凭漫說梧桐長短事視鶴高
松矮皆平等庭草綠鳥聲靜 雲屏十二遙相並倩誰傳紅
情曲折玉簫吹冷不許百花彈壓汝只恐花心未肯便風雨
漂搖何損合與芳梅同寫照看水邊月下橫斜影閒倚玉玩
清景

前調

前題用丙子韻

嫩漆青於柳儘縈迴紗窗粉壁綺春時候送上湘簾花枝影

亞字中間穿透慣早晚逢迎紅袖比似郎君施行馬正名花
九錫承恩後花有信此中漏月宮玉斧留痕否是何年修
成七寶至今如舊心眼皎空玲瓏玉瑣骨亦如人瘦重簾下
雨疏雲逗恰似裙襖西湖景把六橋亭子朱絲繡流連物汝
爲首

前調

前題用辛丑韻

刻畫渾無跡似生成迴文錦字一波三折千步廊前與方便
將息吳宮繡屨好坐待碧雲新月特地展寬檀板樣待春蔥
細按霓裳拍情宛轉韻清切媽紅一抹嶸山雪任銀蟾自
來自去柳東蓮北心地空明無隔礙放過穿花蛺蝶又却似
疏疏竹節

秦中矮欄多竹節形

願得遮攔春去路翠樓人一世無離別

金可粉玉能立

楚山雜錄卷二十一

表